

Гъядиз гъязур шулхъа

ДАГЪУСТАН РЕСПУБЛИКАЙИН НАМУСНАН АЗАДВАЛИННА ДИНДИН ТЕШКИЛАТАРИХЪДИ РАФТАР ГЪАХБАН КОМИТЕТ-ДИН ПРЕДСЕДАТЕЛЬ СУЛЕЙМАН МЯГЪЯММАДОВДИХЪДИ ВУЙИ ИЧ ИНТЕРВЬЮ



Гъарйисан миллионариинди мусурмнар дюн'яйин жорбежюр йишвариан Меккайиз диндин сабуну мурхул – гъяж - тамам апІуз гъягъюру. Гъядиз гъягъюз имбу сацІиб вахтназ дилигди, гъамусаьт думу ляхин кІулиз адабгъуз гизаф чалишмиш шула. 2014-пи йисандин гъяж-компанияйи гъабхурайи ляхникан хабар тувбан бадали, учу Дагъустан Республикайин намуснан азадвалинна диндин тешкилатарихъди рафтар гъахбан Комитетдин председател Сулейман Мягъяммадовдихъди сюгъбат гъубхунча.

- 2014-пи йисан гъяж кІули гъабхбан гъякнаан дигиш'валар шулин?

- Гъаму улихъ йисан гъядин гъякнаан фицдар дигиш'валар гъахнуш, гъаму йисанра гъацдар дигиш'валар хъиди, яни квотйирин дигиш'валар духъна. 2013-пи йисан Меккайиз ккергъу «Гъарам» мист яркю апІбан ляхнар гъелелиг ккудукІнадар, гъаддихъди аьлакьалу вуди Саудияйин улихъ хъайидари гъарсаб гъюкуматдиз, улхъан йисанси, гъаму йисанра 20 % квотйир цІиб гъапІну. Гъаци вуйиган, гъаму йисан Урусиятдиз тувнайи квота 16400 касдиз ву. Улихъ йисариси гъаму йисанра гъядиз гъягърудар гъядягъбан бадали дурарин арайиз тупут ипру. Думу ляхин чпин имамари апІиди. Аммаки гъаму йисхъан-мина Дагъустандиан гъядиз гъягъру-

дар жараси регистрация апІиди: гъамус Дагъустандиан вуйи гъядиз гъягърудар анжагъ электронный нубатнахъдигІан тьяйин апІидар. Гъамциб фикир гъабхъну республикайин гъяж-центрин, ва Комитетдира думу ужуб ният къабул гъапІну. Гъаму йигъяз электронный нубатнахъ 350 гъядиз ният айидар дугъужвна. Мидин уж'вал гъаддигъ аки, эгер уву, мисалназ, гъаму йисан гъядиз къисмат дархъиш, яв регистрацияйин номер, дигиш дарапІди, дишлади гъюру йисаз нубатнахъ дебккру.

- 2014-пи йисан ихъ республикайин мусурмнар из швнуб квота тувна?

» 6


Нумрайиз:



Мусурмнар из варитІанна багъаллу ваз багахъ шула



Хпири чан жилирихъна тамам дапІну ккуни адабар



Диндин кроссворд №4

Лизи датт. Фу аьгъявуз дидкан?

Аллагъу Тааьлайи гъаму дюн'я аьламтнинди дебккна. Гъарсабдигъ инсандиз дерин мяна ва аьхю мянфяьт а. Мушваь мянфяьтсуз вуйиб, саризра герек даруб фукІара адар. Хъа ухъуз, гъяйифки, мурар вари кІулиз адабгъуз читинди шулу. Гъаму жилиин алиб вари Аллагъу Тааьлайи инсанариз мянфяьт вуди дебккна. Мисал вуди гъадабгъархъа гъяйванатар: дурарин йикк дурарин лиь, хъа, жвилли зиквар – мурар вари инсанди чан мянфяьтназ ишлетмиш апІрудар ву. Хъа гъамус яркюди ктибгуз ккундузуз хулан пеэриккан, асас вуди лизи датт уьхбакан айи мянфяьтнакан.

Дупнаки, эгер мумкинвал ади вуш, лизи датт уьхъий кІури, эгер дици шулдарш, саб къадар вахтназкъана учвухъна сарихъан бисай кІури. Му ляхнигъ инсандиз аьхю гъикмат ва мяфяьт а. Мисалназ, думу хулаь яшаммиш шулайидар ва дурарин гъуншйир Аллагъу Тааьлайи жинарихъан уьрхюру. Хъа ухъуз аьгъюганси, ихъ вахтна гизаф жигъилар, яшлуийр жинари инжик апІури шулу ва дурариз гизаф зарар тувру. ДумутІанна гъайри, жинар учІвдариз кюмек апІурча кІури гъазаммиш апІрударра гизаф удучІвна. Хъа инсанари чпин аьгъдрувалиан дурари фици чпиз кюмек апІуруш, фици ляхин гъабхуруш, гъерхрикъан шулдар.

Даттлиз люкьнар мапІанай

Лизи датт айи хал Аллагъу Тааьлайи жинарихъан уьххюру кІуруб гъядисдиан ву. Дупна: «Даттлиз люкьнар мапІанай, диди учву гъудгниз уягъ апІуру».

روى الإمام أحمد وأبو داود وابن ماجه عن زيد بن خالد الجهني - رضي الله عنه - أن النبي - صلى الله عليه وسلم - قال: "لا تسبوا الديك فإنه يوقظ للصلاة"

Пайгъамбарин ﷺ жарану гъядисдигъ дупна: «Аллагъу Тааьлайиз сесуб сес ккунду: даттлин сес, Къур'ан урхурайирин сес, ва гъачІниндин гъудган хъайиз улихъна Аллагъдикан (ﷻ) чан гунгъарин аьфв

» 6

Крымдиъ диндин вуз хьибди



Урусиятдин Европийский терефнан мусурмнарин управлениеийин сабпи заместитель Дамир Гъязрат Мугъяметдинов президентдин администрацияийиз Крым республикаийи диндин университет ачмиш апул ккун апури илтгикну.

Гъадму суалнан гъакънаан Крымдин ва Севастополдин месэлийриз лигурайи Дмитрий Козакдихънара илтгикну. Мугъяметдиновдин гафариинди мициб фикир дура Урусиятдин муфтий Равиль Гайнутдиновдихъди гюрюшмиш гъахьиган арайиз гъафну. «Гъамусааьтна учу Крымдиъ айи мусурман гъардшариз учъан шлу кюмек апурача. Гъацира диндин китабар адаузра кюмек апурача. Крымдин татарарин гъелелиг му ляхнариъ ижми мюгътажвал а. Учу Крымдиъ диндин вуз адруваликанра гъулхунча. Гъадушваъ адабгъу гъюкмийинди учу Правительствойикан Крымдиъ диндин вуз ачмиш апул ккун гъапунча», - гъапну Мугъяметдиновди.

Сауд Аравияийи лисундин ригъдикк ляхин апулз гъадагъа гъапну

Сауд Аравияийин Зегъметнан министрствойи гъуллугъийриз чпин хиликк ккайидар июндин гъацган сентябрин гъацазкъан лисундин ригъдикк сяаьт 12-диан 3-диз гъаятдиъ ляхниз адауб гъадагъа апул ккун адабгъну.

Дурарин гафариинди, эгер шликла думу ккун тамам дарапшиш, дугъин ахью кьадарнаъди журум иливидди, яса на дугъан компания затра хъябкъди. Му программа тикмиш апулбан метлеб гъадму вуки, дициб убцру ригъдикк ляхин апулрударин сагъвалихъди читинвалар шулу.



Муфтий Равиль Гайнутдинди Пензайи мист тикмиш апулз 1,5 млн тувну



Урусиятдин Совет муфтийрин Председатель ва Европийский терефнан мусурмнарин Духовный управлениеийин муфтий Равиль Гайнутдин Пензайиз гъушну. Равиль Гайнутдин думу шагъри тикмиш апурайи мистахънара гъушну. «Дупну ккундуки, думу мист «Победа» клуру проспектиди тикмиш апура. Думу гъит ихъ ватан гъюбхдарин гъюрматнаан ибшри», - гъапну муфтий Равиль Гайнутдинди.

Думу мистаз муфтийи, гафарииндиси, пулииндира кюмек гъапну. Урусиятдин муфтийрин Советдин ччвурнахъан дугъу 1,5 млн пул тувну. Гъацира Равиль Гайнутдинди шагърин улихъ хъайидариз му мист тикмиш апулз мумкинвал тувбан ахью чухсагъул гъапну ва шагърин мэр Роман Черновдиз, Шагърин Думаийин председателин заместитель Жиганше Туктаровдиз «Диндин сабвалихъан» клуру медалар тувну.

Узбекистандиъ варитлан ахью мист Ташкентдиъ хьибди

Думу объектиин асас ляхнар ккудукна, гъамус фасад ва дина рякъ апул ими. Архитекторарин планариинди гъаму йисандин сабпи ноябриз мист тикмиш апулвал бегъемди ккудуклиди. Думу мистаъ 2500 касдиз йишв а, ва

ккудукна къаляхъ думу Узбекистандиъ варитлан ахью мист хьибди. Гъюкуматди дидиз пул бюджетдиан харж апура гъапну, амма душваъ яшаммиш шулайидариз айи хабарниинди дидиз адаурайи вари харжар девлетлу кас Алишер Уъсмановди апура.



Дагъустандиъ жигъил алимарин арайиъ Вариурусиятдин талит гъабхъну

Улихънаси Хасавюрт шагъриъ жигъил алимарин арайиъ Вариурусиятдин талит клули гъубшну. Талитнаъ комитетдиз мусурмнарин Духовный управлениеийин, С. Даитовдин ччвурнахъ хъайи университетдиан ва жара диндин университетариан алимар дахил гъахъну. Конкурдин призовой фонднан учредитель ТД «Киргу» гъабхъну. Жигъил алимар гъудгнин агъювалар, Шариатдин агъювалар улупуз ва Къур'ан кьавъланди урхбан талитназ 12-пи ражну уч гъахъну. Натижайиъ «Диндин илмар» номи-

нацияийи сабпи йишв С. Даитовдин ччвурнахъ хъайи университетдин (Хасавюрт) студент Мугъяммадабли Багъаудинов гъалиб гъахъну. Гъадму номинацияийи кьюбпи йишв Абдулла Темирбулатовди (ДИУ, Мягъачгъала) гъибисну, шубубпи йишв - Гъядисдибири (МИУ, Москва). Къур'ан кьавъланди урхбан номинацияийи сабпи йишв Губден гъулан медрессейин вуйи Темирхан Гъасановди гъибисну, кьюбпиб - Мягъаммедкамиль Абдуллаев (Губден гъул), шубубпиб - Гъябиб Сайпутдинов (Губден гъул).



Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД
Ахмад- хаджи АБДУЛАЕВ

Заместитель муфтия РД
Махди- хаджи МУТАИЛОВ

Главный редактор
Заурбек (Абдулла) ЯИКБАЕВ

Редактор
Ансар РАМАЗАНОВ

Канонический редактор
Мухаммад- Рамазан РАДЖАБОВ

Корректор
Шарафудин ДАШДЕМИРОВ

Дизайн, вёрстка
Мухаммад МУСАЕВ
Иса ОМАРОВ

Менеджер
Абдулсабир АХМЕДОВ

При перепечатке ссылка обязательна.
Набрано и сверстано на компьютерной базе газеты «Ас-Салам».
Газета зарегистрирована Федеральной

службой по надзору в сфере связи, информационных технологий и массовых коммуникаций.
Свидетельство о регистрации ПИ № ФС 77-42079 от 24 сентября 2010 г.
Отпечатано в ООО «Дом печати» по адресу: пр- т Акушинского, 20. Заказ № _____

Тираж 2.700 экз.
Сдано в печать 01 июня 2014 г. в 19:00

Индекс: 51325

Адрес редакции
367015, РД, г. Махачкала, ул. Аскерханова 13а.

Телефоны:
Редакция: (8722) 51-85-22.
Подписка и доставка по г. Махачкале: 914-222.
по Республике Дагестан: 8-988-699-28-24.
E-mail: info@assalam.ru; www.assalam.ru

Мусурмнарин суалариз адлу аьлимдин жавабар

5-пи мартигь Варидюн'ийин мусурмнарин аьлимарин союздин делегация чпин кїулигь думу Союздин генеральный секретарь шейх Аьли Мугьюддин аль-Карадаги ади Дагьустандиз гьафну.

Дагьустандигь дуфнайи аьлимари мусурмнарин жюрбежюр суалариз жавабар тувну. Дупну ккундуки, мицдар серенжемарикан, адлу аьлимар иштирак гьахьи мажлисарикан халкьдиз ахью мянфяабт а.

Бисмиллагьи ррагьмани ррагьим

1. Ислам ва террор. Ислам диндин тїуркїваларихьди, инсанар йихбахьди, имамар, мялимар, дишагьлийир ва бицїдар йивну йихбахьди фу аьлакьа а?

Ислам диндинна терроризмдин чиб-чпихьди гьич саб фицибкьан аьлакьа адар. Думутанна гьайри, дурарин чиб-чпихьди тарихаригькьан аьлакьа гьабхьундар. Мусурмнар йивну йихвал диндигь лап ахью гунгьарикан сабунуб ву. Дидкан лап гьаври шлуганси гирами Кьур'андигьра дупна: «Эгер шликїа мусурман кас чаз аьгьяди йивну гьакїиш, дугьаз гьаргандиз жегьенем гьязур дапїна. Аллагьу Тааьлайи дугьина хьял бисуру, нянят алапїуру ва дугьаз ахью аьзаб гьязур апїуру!» (сура «ан-Ниса», 93-пи аят).

Лигайчва, чазра аьгьяди мусурман кас йивну гьакїи касдиз Аллагьу Тааьлайи гьаьру аьзабар фици саб-сабдихьди ктухураш:

- 1) Жегьеннем кьисмат хьуб;
- 2) Гьаргандиз душваь гьузуб;
- 3) Аллагьу Тааьлайи дугьина хьял бисуб;
- 4) Аллагьу Тааьлайин нянят алди хьуб;
- 5) Думу гьаргандиз аьзабар туври гьитуб.

Пайгьамбарин ﷺ гьядисдигь дупна: «Дугьриданна ичв ифи, мал-мутму ва ичв гьакьар сар-сариз гьарам ву» («Сагьигь аль-Бухари, гьядис №8318; Муслим, гьядис № 1679).

Ухьуз варидариз аьгьюб вуки, Шариаьтди инсанарин гьакьар уьрхюру. Гьаму зиихь дупнайибдиан аьгью шулуки: инсанар йивну йихувалар, саспи гьюкуматаригь шулайи тїуркїувалар Шариаьтдинди гьарам ву ва дурари апїурайи ляхнар Исламдин кьанунариз кьаршу вуйидар ву. Думутанна гьайри, дурари гьацдар ляхнар апїури, ихь диндин душмнар из Ислам диндикан чїуру фикрар апїуз, думу «террорин дин ву» кїури, гафар адагьуз мумкинвал тувра.

2. Ислам ва гьюкумат. Гьюкум гьабхьан светский кьайдайихьна, уьлкейин гьюкмин органарихьна, гьакимарихьна ва ихтиярар уьрхюрайи органарихьна мусурмнарин рафтар.

Эгер уьлкейигь мусурмнарин кьайдйир гьабхан, гьудган-жалкїан апїбан ва гь.ж. ихтиярариз манигьвал апїурадаш, жвуван дин хьапїри, ужувлахьна дих апїури, Аллагьди (ﷻ) улупнайибдихьди гьагьюри, ва вьяьз-насигьят гьабхури чалишмиш духьну ккунду. Аллагьу Тааьлайи дупна: «Аллагьу Тааьлайин рякьюз гьикматвалииндина ужуб насигьятниинди дих апїнай».

Мусурман касди гьацира чав туву гаф дьоубхну ккун ва гьапїу йикьрарра кїулиз адагьну ккун: «Я Аллагьдихь хьугьнайидар! Жвуван мажбурнамйир кїулиз адагьури гьузай».



Ихь Пайгьамбарин ﷺ гизаф гьядисаригь, тувнайи гаф дьоьрюбхюб кьюб гаф апїувализ барабар ву, дупна. Уьлкейин кьанунарихьди гьагьюб чарасуз ву, эгер дурар Шариаьтдихьди кьаршувалигь адрубдин уччвуди гьаври аш.

3. Мусурман касдиз уьлкейин гьюкмин органаригь лихуз ва гьуллугь гьабхуз ихтияр айин? Эгер аш, Шариаьтдин тїалабарилан удлудучївбан бадали, дугьу жвув фици дерккн ккунду?

Президентдин хиликк ккайи органаригь вушра, министерствйиригь вушра лихбаз Шариаьтдин гьадагьавал адар. Мидин гизаф далиларра а. Месэла, Юсуф пайгьамбаригь гьапїнуш. Инкарвалигь айи паччагьди, халкьдин гьуллугьнаь хьубан бадали, юкьуб юрднан визир хьуб чакан тїалаб гьапїган, думу «Аьзиздин», яни варитган ахьюрин вазифйир гьахури гьахьи.

4. Гьамусаьтди муджахедар ву кїурудари, жюрбежюр флешкйирна дискар ишлетмиш апїури, бизнесменарихьан ачухьди вая жиниди, жигьаддин налог вуйич кїури, пулар дисувал яркьуди ишлетмиш апїура. Мициб аьгьвалатназ Шариаьтди фициб кьимат тувра?

Шариаьтди дицдар ляхнар апїувал гьадагьа апїура, фицики кучлїиинди инсанар чпин девлетнахьанна мал-мутмуийихьан мягьрум апїуб Аллагьу Тааьлайи гьадагьа дапїна (мяна): «...хьа анжагь ичв кьюбиб терефаринна разивалиинди вуйи ариш-веришдииндигьтан». Думутанна савайи, дидин кьяляхь хьана жара ахмакь ляхнар арайиз гьюра. Хьа жигьаддикан улхуруш, думу вари шартїар кїули гьахуруштган гьакьлуб шулдар. Мидкан яркьуди «Ухьу ва имбудар» кїуру жвуван китабдигь ачухьди дупнача.

5. Ислам абйир-бабарихьна вуйи гьакь-гьюрматнакан (абйир-баба-

рихь хьпехьури адру ва ужудар дару дестйиригь учїврайи веледарихьна вуйи рафтарикан)

Саб жерге гьядисаригь кїураки, шлин абйир-бабар яшлудар вуш, ихь Пайгьамбаригь ﷺ дурариз чпин абйир-бабарин разивал дарди жигьаддигь иштираквал гьабхуз ихтияр тувурдайи.

6. Такфирин (куфруйин), риддайин (диндиан удучївувалин), ширкдин шартїар фицдар ву. Органаригь ва гьюкуматдин ляхнаригь айидар ухьу зиихь ктуху лишнар хас ву пуз шулин?

Иман кїваантган гьюраригь ву ва диндин муьрхьлариз лигури гафарининди удубчївру. Мусурман органаригь, гьюкуматдин ляхнаригь а кїури кяфир шулдар. Узу зиихь гьапиганси мушвахь Юсуф пайгьамбаринна паччагь ан-Нажашийин аьлакьйир кїваин апїуз шулу.

7. Мусурмнарин машквар гьабхан саб вахт тийин апїбан месэлийиригь мусурмнарин сабвал.

Узу мусурмнарин машквариз саб вахт тийин дапїну лазим ву кїураза. Му вахт юкьне ва гьамусдин аьлимарин фикрарин биналамиш духьну астрономийин кьайдайиндира тийин апїуз шулу. Гьаци вуйиган му месэла шлубкьан вахтниинди тамам дапїну ккунду.

8. Гьамусдин интернет-технологйирин кюмекниинди исламдин аьгьювалар гьадагьбан шартїар фицдар ву?

Интернет ишлетмиш апїбан шартїарикан асасуб гьадагьа дапїнайи сайтарина удлудучївуб ва интернет гунагь шлу метлебариз ишлетмиш дарапїуб ву.

9. Террориствалин акт апїуради аьжал гьибихьу касар чпин багахьлуйирихьна тувбан гьакьнаан фу пуз шулу?

Инсандин, чїибиринна,

дукїнайиринна гьюрмат дьобхну ккунду. Гьачїидар кивуб – му гьюрмат уьбхбакан гьисаб шула. Гьаци ву багахьлуйирихьна чпин майит рубкьубра. Мициб майит, дьавдигь кечмиш гьахьиринси, багахьлуйирихьна рубкьуб гьюкуматдин буржарикан ву.

10. Кафари Кавказдин мусурмнари юкьби мазгьабарин имамар тасдикь апїура ва дурарихьна гьюрмат уьбхюра, дурарин ирсанан аьгьювалар гьадагьура ва кюгьне заманайихьанмина ихь ата-абйири хьапїрайи Шафийийин мазгьабдихьди, Ашаьри аькьидайихьди гьагьюра. Ухьу агьлю-сунна валь-жамааь дестейик кахьраин?

Ав, учву агьлю-сунна валь-жамааьийик кахьрайидар вучва. Мусурман умма гьарган аькьидайин дьозди гьагьюрайидар ву, ва аькьидара гаф кипрушв ктарди кьабул дапїна. Гьаддиз ашаьритарин аькьидайихь хьугьвалин инанмиш'валикан ахьону пай аьлимарин саб дару фикрар адар, ва дурар агьлю-сунна валь-жамааьийикан ву. Сауд Аравийин паччагь Абдуллагьди юкьуд йис улихьна дьон'ийигь вартган машгьур 100 аьлимдикан вуйи конгресс уч гьапїну, ва дурари вардари сабгафниинди, вари юкьби мазгьабарихьди гьагьюрайидарра, ашаьритаринна матуридитарин аькьидайихьди гьагьюрайидарра, тасаввуфдихьди гьагьюрайидарра Кьур'андигьна Суннайигь улупнайиб кїулигь гьабхуруш агьлю-сунна валь-жамааьийик кахьра кїури субут гьапїну. Хьасин шариаьтдин тешкилатари му документ дьозиб ву дупну, тасдикь гьапїну. Му месэла гьаци гьапїнуки, гьаз гьапиш асас месэлийирикан ву. Гьамдин гьакьнаан саспидари тмундар куфруйигь ахьну кїури гафар адагьури шулу.

Эгер ашаьритариз кяфирар кїури гьахьиш, дьон'ийийин али сабна гьацї миллиард мусурмнарин хьугьвал батїил апїуб шула.

Мусурманариз ваританна багъаллу ваз багахъ шула

ГИРАМИ РАМАЗАНДИН ВАЗЛИКАН ЖИКЪИДИ

Гъюрматлу мусурман гъардшар ва чйир! Магъа ихъ нубатнан гирами Рамазандин ваз багахъ шула. Гъаддиз улхидихъа гъаму гирами вазликан.

Ансар Рамазанов

Рамазандин вазлиъ ушвар дисувал Исламдин шартларикан, Къудратлу Аллагъди (ﷻ) гъарсар мусурман касдин улихъ дивнайи вазифйирикан саб ву. Саб жюрейинра себеб адарди, гирами вазлиъ ушвар дидрису мусурманариз, чпи Халкъ гъапурихъ хълебехъбаз лигну, ижмишнаан жаза тувди, эгер Дугъу дурариз гъадму гунгъарин афв дарапйиш. Хъа Рамазандин вазлиъ ушвар дисували неинки жаза тувбахъан азад апйиди, ва гъазира Аллагъдин (ﷻ) терефнаан ужуб багъиш хъибди. Гъаддихъди сабси, гъадму багъишнан къимат ушв дибиснайирин аькъюллу гъаракатарикан, дугъу неинки чаин али фарз тамам апйибакан ва гъазира ушв бисбан суннатар хъабаъ чалишмиш шулайиваликанра асиллу шулу. Мугъяммад Пайгъамбарин ﷺ гъаддиз асас вуди, ужудар ляхнар клулиз адагъбаз лигну, Къудратлу Аллагъди (ﷻ) Чан лукраз йицуб ражну ва гъеле 700 ражну артухъдира кади ужувлар тувди. «Ушвар Узу бадали дисурдар ву, - гъапну Къудратлу Аллагъди (ﷻ), - ва Узу, гъаддиз лигну, багъиш тувдиза». Яни ушв бисбаз вуйи багъиш гизаф ражари артухъ шулу, ва гъаддин гъакъ-гъисаб анжагъ сар Къудратлу Аллагъдизтан (ﷻ) аьгъдар. Вари къайдйириз асас духъну, ушв бисувалиан мусурман кас чан бедендиз уч духънайи чиркин шей'арихъан марцц шулу ва тлагърувалихъан, гъайгъусувалихъан азад апйуру. Ушв бисували гашди айи касдин гъавриъ ахъуз мумкинвал тувру, Къудратлу Аллагъди (ﷻ) Чан луклариз туврайи камаллувализ къимат тувуз ва фикир учйудди апйуз кюмек тувру.

Чарасуз вуди ушв бисувал гъамцдар ксариз улупнайиб ву:
1. фуж мусурман кас вуш;
2. фуж ушвар дисру яш дубхънайир вуш;
3. фуж ушв бисуз сагъвал хъайир вуш.

Ушв бисбан фарзар
Ушв бисбан фарзар гъамрар ву:

1. Ният. Жвуван фикриинди Къудратлу Аллагъ (ﷻ) бадали ушв бисуз ният дапйну ккунду, гъаддихъди сабси ният мелзнийинди пуб суннат ву. Магъа ният апйбан тахминан къайда:

«Узу ният апйураза гъаму йисандин гъаму Рамазандин вазлиан закурин йигъан уз'ина фарз вуйи ушв бисуз Аллагъ (ﷻ) бадали». Яни ушв бисбан ниятнаъ чарасуз вуди фуну йисан, фуну вазли, фуну йигъан ушв бисураш ва ушв бисувал фарз вуйиб фикриъ ади вая мелзнахъди дупну ккунду. Имам Шафийийин мазгъабдиндин ният гъар йигъан дапйну ккунду. Думу ният ригъ алабхъбалаан къяляхъ вуйи вахтналан хъюгъну, ахсрар ккивайизкъан вуйи вахтназкъан апйуз шулу. Имам Абу Гъанифайин мазгъабдиндин, ният лисундин вахтназкъан апйуз шулу, эгер гъачитанмина ушв чйур апйу (чйюбгъу) шартлар арайиз гъафундарш. Ари гъаддиз, эгер шликла ригъ алабхъбалаан къяляхъ ккебгъну, гъачининдин ахсрар

Ушв бисбан къайдйир
Ушв бисувал, мусурмандин улихъ дийибгънайи фарз вуйиганси, Къудратлу Аллагъдихъан (ﷻ) аьхю багъиш гъадабгъбан бадалира клулиз адабгъну ккуниб ву. Фарзнан чарасуз шартлар клулиз адагъубтан гъайри, ушв бисбан суннатара хъаьну ккунду, яни ушв дибиснайи вахтна мусурман кас фици духъну ккундуш, гъадмура тамам апйуб лазим ву.
1. Мугъяммад Пайгъамбарин ﷺ гъаддиз асас вуди, лавландин гъудган улубкъбалаан къяляхъ дишлади ушв гъибтиш ужу ву. Ушв хурма ипйибинди, марцци штухъди, ясана фицибкла меълишнахъди гъибтиш ужу ву.
2. Ушв гъибтуз хъюгъруган, Аллагъдин (ﷻ) ччвур кйваин дапйну ккунду, яни



улуркъайизкъан вуйи вахтна ният гъапундарш, лисузкъан ният апйуз шулу, анжагъ «закур» кйуру гафнан ерина «гъи» дупну ккунду ва чарасуз вуди «имам Абу Гъанифайин мазгъабдиндин» кйуру гафар аьлава апйуб лазим ву. Имам Маликдин мазгъабдиндин ният вазлиан эвелизъ вари вазлиз апйуз шулу. Хъа амма имам Шафийийин мазгъабдиз асас вуди тасдикъ дапйнайи къайдайиндин ният апйуз чалишмиш духъну ккуниваликан гъархну ккундар.

2. Дибиснайи ушв ккутйу гъаракатарихъан уьрхюб. Дурар гъамрар ву:

- 1) Ипйуб - убхъуб.
- 2) Эдерчуб.
- 3) Жилижви дишагълийихъди сатйи хъуб.
- 4) Дишагъли палтарикан хъуб.
- 5) Бицир бабкан хъуб.
- 6) Ахмакъ хъуб (саб дакъикъайиъ вушра).
- 7) Ярхи йигъан амриан гъагъюб.
- 8) Диндиз инкар хъуб ва гъж.

Ушв бисбан къайдйир
Ушв бисувал, мусурмандин улихъ дийибгънайи фарз вуйиганси, Къудратлу Аллагъдихъан (ﷻ) аьхю багъиш гъадабгъбан бадалира клулиз адабгъну ккуниб ву. Фарзнан чарасуз шартлар клулиз адагъубтан гъайри, ушв бисбан суннатара хъаьну ккунду, яни ушв дибиснайи вахтна мусурман кас фици духъну ккундуш, гъадмура тамам апйуб лазим ву.
1. Мугъяммад Пайгъамбарин ﷺ гъаддиз асас вуди, лавландин гъудган улубкъбалаан къяляхъ дишлади ушв гъибтиш ужу ву. Ушв хурма ипйибинди, марцци штухъди, ясана фицибкла меълишнахъди гъибтиш ужу ву.
2. Ушв гъибтуз хъюгъруган, Аллагъдин (ﷻ) ччвур кйваин дапйну ккунду, яни

гъамцдар гафариинди: «Бисмиллагъи ррягъмани ррягъим!» ва ушв къабул апйбан дюаъ урхъбинди:

اللَّهُمَّ لَكَ صُمْتُ وَ بِكَ آمَنْتُ وَ عَلَيْكَ تَوَكَّلْتُ وَ عَلَيَّ رِزْقِكَ أَفْطَرْتُ
فَاغْفِرْ لِي يَا غَفَّارُ مَا قَدَّمْتُ وَ مَا آخَرْتُ

«Аллагъумма лака смту ва бика аманту ва аьлайка таввакалту ва аьла ризкъика афтарту, фагъфирли я Гъаффару ма къаддамту ва ма аххарту». Гъаму дюаъийин мяна гъамциб ву: «Я Аллагъ, гъаму ушв Увуз гъибисуб вуйиз ва Увухъ хъугъназа ва анжагъ Ув'ина таваккалвал апйураза ва Яв ризкънахъди ушв гъибтгъаза, я Гъаффар, йиз ккудушу ва гъюзимбу гунгъарин афв апйинава!».

3. Ушв бисру вахт улубкъайиз улихъна, яни ахсрар ккивайиз улихъна уьл ипйуб ужу ву, ва уьл ипйувал гъачининдин гъудган апйу вахт ккебгъайиз 15-20 минут улихъна дебккуб ужу ву. Я гъачининган, ясана хъяхъган къадар дарубтан артухъди ипйувал ужуб ляхин дар, мид'ан бедендиз ва ибадат апйуз гъагъиди алабхъуру, артухъди ипйувал сагъламвализра зарар ву.
4. Хъяхъган ушвар дидиснайидариз уьл гъивувал савабнан ляхин ву. Гъаддиз асас вуди, шли ушв дибиснайириз хъяхъган уьл гъивнуш, дугъу ушв гъибисуризиб саваб гъадабгъиди. Рамазандин вазлиъ игътияж айи ксариз, асас вуди чан хизандин вакилариз, мирас-варисариз ва вари багахълуйиризра жумартвал улупуриз багъиш тувру.
5. Ушв дибиснайи вахтна гъарам дапйнайидарихъан ва чйуру ляхнарихъан жвуван беден уьрхюб лазим ву. Къудратлу Аллагъдин (ﷻ) тлалабар тамам апйури, жвув Дугъан гъуллугънаъ духъну ккунду.

Ушвар дисувал – Аллагъу Тааьлайн амур ву

Ухъуз, мусурман ксариз, Рамазандин вазлиъ ушвар дисувал улупна. Фуж кетгерцнаш ва ушв бисували дугъан уьзриз зарар тувраш, фуж ярхла рякъюъ аш, ушв дибрисуз ихтияр а. Дугъу чав гъадмуган ккадау ушвар жара вахтна дисну ккунду. Хъа ушв бисували зарар тувраш (мисал вуди гъадабгъиш, къабивалиан, сагъ апйуз даршлу уьзриан), гъацир касдихъан ушв дибрисуз шулу. Амма гъаддин ерина касиб ксариз ипйуб тувну ккунду. Хъа, Рамазандин вазлиси, жара вахтнара чан хушниинди ушвар дисру кас гъашиш, дугъаз чаз ужу ву.

Ушв бисувал фу ву?

Шариаьтдинди ушв бисувал, гъачинин ахсрар ккивахъанмина тап лавландин гъудгнин вахт улубкъайизкъан думу чйур апйубдихъан уьрхювал ву, чан хусуси ниятра ади. Рамазандин вазли чарасуз ушв бисувал Мугъяммад Пайгъамбарин ﷺ уммайиз гъижрайин къюдпи йисан фарз вуди улупну.

Ушв бисбан нияткан

Гъарсаб йишван ушв бисайиз улихъна ният дапйну ккунду. Йишвандин сифте клулиъ ният апйувалра чйаьн шулу. Саб жерге аьлимари йишвандин сабпи пайнаъ ушв бисуз ният апйувал чйаьн дар, кйури, тасдикъ апйуру, гъаддиз йишвандин къюбпи пайнаъра ният дапйну ккунду, кйуру. Дурари гъацци вуйивал йишвандин къюбпи пай ушв бисбахъна багахъ вуйиб ву, кйури, гъаврикк ккаъра.

Эгер ният апйалан къяляхъ нивкI алабхънуш, цийиккултан ният апйуб чарасуз дар. Куфрий хъували ният чйур апйуру. Хъа эгер гъацир касди ахсрар ккивайиз чан швумалвал улупиш, кйваантан шагъадат дупну, дугъу ният цийи алапуб лазим ву.

1. Имам Шафийийин мазгъабдиндин, эгер ахсрар ккивбалаан къяляхъ ният гъапйнуш, ушв бисувал гъисабназ гъадабгъурдар.

Гъаддиз дупна: «Йишвну, ясана ахсрар ккивайиз улихъна ният дарапйиш, ушв бисувал къабул апйидар».

2. Ахсрар ккивнуш - ккивундарш кйвахънивал улупури ният гъапйу касдин ушв къабул апйурдар, фицики дугъан ниятнаъ кйвахънивал а. Хъа эгер думу чан ният апйалан къяляхъ, шаклу гъахънуш, ахсрар ккивнайкдан, ясана ккивнадакдан кйури, думуган дугъан ушв гъисабназ гъадабгъуру, фицики дугъан ниятнаъ кйвахънивал адайи, хъа ахсрар ккивувал а.

3. Эгер ахсрар ккивбалаан къяляхъ инсанди чан ният ахсрар ккивайиз улихъна гъапйнийкдан-гъапйундакдан кйури кйвахънивал улупуруш, дугъан ушв гъисабназ гъадабгъурдар, гъаз гъапиш кйвахънивалин бина вахтниинди ният дарапйувал ву. Хъа эгер гъадму касди чав йишвну, яни ахсрар улукъайиз улихъна гъапйу ният кйваин гъабхъиш, думуган ушв бисувал капйуру.

Ният кйваантан апйуру. Мелзнийинди ният апйуб фарз дар, думу суннат ву. Сатйиди ният апйували кйваъ ният мюгъкам хъуз кюмек тувру. ► 5

Хпири чан жилирихъна тамам дапну ккунни гьякбар

Гьямд ибшри Аллагу Тааьлайиз, Дугъу гьарсаб ляхниз чан улупнайи саргьятар дерккна. Ари хизандин арайиз вуйи аьлакыйирира Аллагу Тааьлайи утканди ва лайикъ вуйи саягъниинди дерккна. Ислам динди жилиризира хпиризира сабсариз гьякбар дерккнадар, хъа гьарсариз чаз хас вуйидар дерккна - жилариз саб, хъа дишагълийириз - жараб. Эгер жилирина хпири Аллагу Тааьлайи чпиз улупнайи шартлар тамам апури гьахъиш, дураринтлан шадлу хизан дюн'яийгъ бажигьат бихтур, гьамци заанди дебккру Аллагу Тааьлайи дициб хизан. Хъа эгер дурарикан санури динди улупнайи шартларикан саб къабул апуридарш, диди дугъан гьадму шартлан хабар адрувал улупура. Хъа фу дапну ккунду? Илим аьгью дапну ккунду.

Хадижат Эседуллаева

Хпири жилирихъна тамам дапну ккунни гьякбар:

1. Жилирин ихтияр дарди хул'ан удучулувуб, гьятта жвуван багахьлуирихънара кмиди. Гьядисди дупна: «Аллагу Тааьлайихъ хьугъу хпириз чан жилирин ихтияр дарди хул'ан удучулувуб ихтияр адар» (Гьяким).
2. Хпириз жилири чаз апураи саб бици уж'вал вушра, думу фикриз гьадабгъну ккунду. Муслимдихъан ва Бухарийихъан вуйи Пайгъамбарин ﷺ гьядисди дупна: «Узу жегъеннемдизди гьилиган, душваь артухъси дишагълийири гьаркъюнзуз». Дишагълийири Пайгъамбарихъан ﷺ гьерху: «Дурар душваь фици ва гьаз ахъну?». Пайгъамбарин ﷺ жаваб туву: «Гьаз гьапиш дурариз чпин жилари гьапу ужувлан къимат аьгъяди гьабхъундайи».
3. Хпир жилириз мютиогъ духъну ккунду. Эгер жилири хпириз ахниккна дих гьапиш, думу душну ккунду.



Гьядисди дупна: «Эгер жилири хпириз ахниккна гьач дупну, хпири ваь гьапиш ва жилир хъял кади нивклуз гьушиш, малаикари дицир хпириина гьачиндизкъан нянят алапури гьузру» (Бухари, Муслим). Хъа эгер думу палтарикан духънаш, думуган жилириз хутнахъан къамкъарихъна йишварик кучуз гьитуб гьарам ву. Жилиризира кучуб гьарам ву.
4. Хпири жилирихъди утканди гафар дапну ккунду, асас вуди жилириз гиран шу гафар дупну ккундар. Гьайифки, саспидари дамах кади кфуру, узу жилириз гьамци гьапитан, думу гиран дапну дусну кфури. Тирмизи ва Гьякимдихъан вуйи гьядисди дупна: «Хпири жилириз гиран ктапураи вахтна

думу жилирин женнетди айи гьюриперйири, думу хпирихъна илтликфури, гьит Аллагъди (ﷻ) уву кечмиш апури, думу увухъди сациб вахтназтлан адар, вахт гьафиган, думу увхъан жара апици ва учухъна гьиди кфуру.
5. Жилириз хъял гьюру саб фулка ляхин гьапу хпири шлубкъан ухди дугъу чаз аьфв апуб ккун дапну ккунду. Гьядисди дупна: «Жилири хъял бисру хпирин гьудгнар къабул апуридар ва дугъан ужувлан ляхнар завариз за шулдар. Хъа эгер жилири, Шариатди гьарам вуйи ляхин апин, кфури гьахъиш, хпири думу гьапундар кфури, дугъаз гунагъ адар»
6. Хпириз хул'ан саб фулка жилирин ихтияр дарди тувуз гьадагъа дапна.

Амма эгер хпириз чав фулка тувну кфури жилирин гьаршувал адруб аьгъаш, тувуз хай шулу.

7. Хпирихъан жилирин ихтияр дарди суннат ушв бисуз шулдар. Хъа фарз ушв бисруган жилирихъан гьерхуб герек дар.

8. Дишагълийириз варитлан ужуб учв жара жиларин уларихъан уьрхуб ву. Саб ражари Пайгъамбарин ﷺ чан риш Фатимаийихъан, дишагълийириз варитлан ужуб фу ву, кфури гьерхну? Фатимаийи жаваб туву: «Жара жилариз думу дярякьюб, дугъаз жара жилар дярякьюб». Мициб жаваб гьеебхъан Пайгъамбарин ﷺ чан рази хьувалиан думу хабариз аьну гьапи: «Наслар чиб-чпиз ухшар айидар шулу». Хъа эгер дишагълийириз жара жилар хъайи йишвахъна гьагъбан ккубкьруш, мисалназ университетди, больницйириз ва гь.ж., дициб дюшюшдизра Шариатди шартлар улупна.

9. Хпири жилириккан чаз герек вуйибтлан артухъ фулкара ккун дапну ккундар. Мисалназ, палат гьадабгъбаь, ипбаь, ясана хулар уткан ипбаь. Китабариз дибикнаки, Гьяимат йигъаккна жилириз хпирихъан ва веледарихъан читинвалар хьиди кфури. Дурари дугъан гьадмукадар дюн'яйинуб тлала апицики, аьхир думу кас я дюн'я, я дин дарди гьузди.

10. Эгер жилири хулаз гьарам вуйиб хуруш, мисалназ гьитибклуб, жарарихъан гьибисуб, арагъ масу тувбалан гьабхъиб, ясана рибайилан гьабхъи пул, ари гьамцибилан гьабхъиб ипуз хай шулдар. Гьюрматлу чи! Гьарган яв гунгьарин аьфв апуб ккун апин, мунафикъарин хасиятарихъан ярхла йихъ, яв жилирихъна вуйи гьякбар аьгью апин ва гьаму Пайгъамбарин ﷺ гьадис кьвагълан магъапан: «Ичв дишагълийириккан варитлан ужудар дишагълийин намуснан марцидар ва чпин жилариз табигъ вуйидар ву» (Анас, Дайлами).

Мусурмнарив варитланна багъаллу ваз багахъ шула

4 « Ушв дибиснайириз гьюрмат апуваликан

Рамазандин ваз гирами ву, кфурагъа варидари, амма саспи ихъ мусурман гьардшар гьадму вазлигъ хилигъ папрус, семечкйири ади рякьюру. Гьамцдар ляхнар Рамазандин вазлигъ апували ихъ Ислам диндихъна гьюрмат адрувал, аькьюл хъадрувал улупура. «Нузгъатуль Мажалис» китабдиан саб месэла хибдихъа: душваь, сар ушв дибисну адрури дибиснайидариз гьюрмат гьапиш, фициб мянфяаь шулуш, улупура. Сар хачариз ибадат апури мусурмнарехъди яшамыш шулади гьахъну. Саб ражари Рамазандин вазли дугъаз чан бали гьаятдигъ уьл ипуради гьаркъну. Дугъу дих дапну чан бализ, хулаь аьзаб туву, мусурмнари ушв дибиснайи вахтна дурарихъна эдеб гьапундарва, кфури. Циб вахтналан гьадму кас кечмиш хъпан къяляхъ, сар ужу аьлим касдиз думу нивккуди Женнетди ади рякьюру. Аьлимди дугъан гьерху: «Уву мусурманвал къабул гьапундарва, уву Женнетди фици ава?». Думу касди гьапи: «Узу кечмиш хъуз багахъ гьахъиган, Аллагъди (ﷻ) узуз шагъадат хуз амур гьапуни. Гьадму шагъадат гьабхиган, узу мусурман каси Аллагъдихъна (ﷻ) гьушунза». Гьюрматлу ватанагълийири, гьаму гьадисайиан ухъу гьаври духъну ккундуки, ухъу ушв гьибисундар кфури, жара ушв дибиснайи ксарин улихъ уьл ипувалихъан ярхла духъну ккунду.

Таравигъ-гьудган апуб аьхю савабан ляхин ву!

Таравигъ Рамазандин вазли хьитирхандин гьудгнин къяляхъ апури суннат-гьудган ву. Думу гьудган апуз Рамазандин сабпи йишвхъанмина хъюгъру ва аьхиримжи ушв гьибису йигъан ккудубкфуру. Думу гьудган мистаь апуб ужу ву, хъа эгер мистаз гьагъюз шулдарш, хулаьра апуз шулу. Таравигъ-гьудган 8 ракааьт ву - 4 суннат гьудгнар, гьарса-саб 2 ракааьтдин. Амма 20 ракааьт апури гьахъиш ужу ву. Ихъ Пайгъамбарин ﷺ сабпи ражну 20 ракааьт (10 суннат, гьарсаб 2 ракааьтдин) апури гьахъну, хъасин, ухъуз пчу апабан бадали, 8 ракааьт апури гьахъну. Таравигъ-гьудган ккудубкган, гьацира жямаяьдихъди витру-гьудгнар апури, дурар текди апури (3-дилан 11- динна) сабпи ражари кью-кьюб ракааьт апури, хъа ккудукфруган - саб. Хъа ухъухъ кьюб витру-гьудган апури: сабпиб – кьюб ракааьтдинуб, кьюбпиб – саб ракааьтдинуб.

Таравигъ-гьудган апабан къайда

Таравигъ 4, ясана 10 гьудгникан, гьарсаб кью-кьюб ракааьтарикан ва душваь урхру дюьйириккан ибарат ву (дюьйир исихъ улупна). Хьитирхандин гьудган ва гьудгнихъ хъайи суннат апабан къяляхъ исихъ улупнайи сабпи дюаь урхру. Гьаму дюаь урхру сабпи, шубубпи таравигъ-гьудгнар апабан къяляхъра ва гьацира сабпи 2

ракааьтдин витру-гьудган апабан къяляхъра. Кьюбпи ва юкьюбпи таравигъ-гьудгнар апабан къяляхъ шубуб ражари кьюбпи дюаь урхру, хъасин гьадму дюаьин къяляхъ саб ражари сабпи дюаьра урхру. Витру-гьудгнар ккудукган, шубубпи дюаь урхру. Гьаму дюьйир вари гьудган апурайдари ягъал сесниинди сатиди урхру.

Таравигъ-гьудган апури урхру дюьйир:

1. («Ла гьявла ва ла къувата илла биллагъ. Аллагъумма салли аьла Мугъяммадин ва аьла али Мугъяммадин ва саллим. Аллагъума инна нас'алюкаль жанната ва наьузубика мина-нар») 2. («Субгъяна лагъи валь гьямду лиллагъи ва ла илагъа илла лагъу ва лагъу акбар. Субгъяналлагъи аьдада халкъигъи ва риза'а нафсигъи ва зината аьршигъи ва мидада калиматигъ»). 3. («Субгъяналь маликиль къуддус (кьюб ражари). Субгъяна лагъиль маликиль къуддус, суббугъон къуддус, рабуль малаикати ва ррюгъ. Субгъяна ман тааьззаза билль къудрати валь бакъаь, ва къагъараль ибада билль мавти валь фаная. Субгъяна раббика раббиль иззати аьмма ясифун ва саламун аьлаль мурсалина валь гьямду лиллагъи раббиль аьламин»).

Гьит Алагъди (ﷻ) гьаму ваз Чав амур апураи ва Мугъяммад Пайгъамбарин ﷺ улупнайи саягъниинди кфулиз адабгъуз ухъуз кюмек туври! Амин!

Гьяждиз гьязур шулхъа

1 « - 2014-пи йисан 24-пи мартдиз РФ-йин Совет Федерацияйин Председателин заместитель, гьяждин ляхнарин вакил Умаханов кӀулигъ ади гьяждиз гьязур хьпан совещание кӀули гьубшну. Душваъ ихъ республикайин РД-йин Правительствойин Председателин заместитель А. Хархаров ва Дагъустан Республикайин намуслан азадвалинна диндин тешкилатарихъди рафтар гьахбан Комитетдин председатель С. Мягьаммадов иштирак гьахьну. Думу совещанияйигъ Вариурусиятдиз тувнайи квотийр пай гьапӀну, дидин натижайиинди Дагъустандиз 6000 касдин квота тувну.

- 2014-пи йисан гьяж тамам апӀбан вахт фициб ву?

- 2014-пи йисандин гьяждин асас паярфила шулуш, хабар а. КСА-йин Посольствойигъ виза ачмиш апӀуз документар къабул апӀуз 5-пи августди хьюгъру ва 14-пи сентябризкъан давам шулу. Жидда ва Медина шагърариан Меккайиз жилиинди вуйи транспортдизди гьягърудариз вуйи вахт 1-пи октябриз ву. Хъа самолетдизди вуйидариз дивнайи вахт 27-пи августдианмина 30-пи сентябризкъан ву. КСА-йин кьяляхъ гьубан вахт 9-пи октябриан 9-пи ноябриз ву.

- 2014-пи йисан Дагъустандин вуйи гьяжйир фицдар турфирмийриан гьягъиди? Ва фицдар дюшюшариз дурари фикир тувну ккунду?
- Гьаму суалназ жаваб тувайиз пуз

ккундузуки, дагъустанлуйир гьяждиз гьягъювал Дагъустандиз ахью кьимат айиб ву, гьаци вуйиган республикайин главайи думу суалназ ахью фикир тувра. Улихъ йисариси гьаму йисанра думу ляхнин гьякьнан вари дидихъди аьлакьалу вуйи инсанари, органари тамамди ляхин кӀулиз адабгъура. Улихъ йисари гьахьи гьалатӀар, нукьсанар текрар дархъбан бадали, Советди гьяждиз гьязур хьпан План адабгъна, диди ухъуз гьяжйир гьязур апӀбан къайда гизаф ражари за апӀуз мумкинвал тувра.

Гьацира Дагъустандин гьягъру гьяжйирхъна итгӀикуз ккундузу: улихъ йисари гизаф гьацдар дюшюшар гьахьнуки, аьдати дагъустанлуйири

чпин документар ва пул саб фицдарвуш фирмийрихъна тувну, чпи фулкӀара дарди гьузну. Гьаци вуйиган, Комитетди Духовный управлениейи улупну адру фирмийрихъна документар, пул тутрувуб ва учвуз улупнайи фирмийрихъди аьлакьа бисуб ккун апӀура.

Гьамус суалназ жаваб тувдиза. Гьаму йисан гьяждиз инсанар гьяббари анжагъ шубуб аккредитованный компанияртӀан ляхин гьабхидар: «Марва тур», «Караван трэвл» ва «Равза тур».

Улихъна йисари апӀруганси, гьаму йисанра му фирмийри гьяждиз гьягърударихъди, фу дапӀну ккундуш ва жара гьюкуматаригъ фици духъну ккундуш, ляхин гьабхиди.

Лизи датт. Фу аьгъявуз дидкан?

1 « апӀуб ккун апӀурайирин сес» («Фатхуль Аллам»).

Гьацира дупнаки, фуну касди хулаъ лизи датт уьбхюраш Аллагъу Тааьлайи думу шейтӀнихъан, сигъруйихъан, сюгъюрчйирхъан ва фалчйирхъан уьрхюру. Эгер фикир гьапӀиш, му ктуху ляхнарикӀан гизаф зарар а. Дурарихъан азад хьпан бадали инсанари фуьбан пул харж апӀуру. Ари гьацдар ляхнар улукъайиз, ухъу дурарикӀан фикир дапӀну ккунду.

Узуз ккуни жакъв


Му даттлин фазилатдикан исихъ улупнайи гьядисдиз дупна: «Датт – жакъварикан ву, думу узуз ккуниб вузуз ва Жабраил малаикдизра ккуниб ву. Даттли чан эйсийин хал ва багарихъ хъайи 16 хал шейтӀнихъан уьбхюру. Яни гьарсаб терефнаан 4 хал шейтӀнихъан уьбхюру».

Сабсана гьядисдиз дупна: «Лизи датт йиз дуст ву ва йиз душмнин душман ву. Диди чан хал ва гьуншйиринра 7 хал уьбхюру».

روى عبد الحق بن نافع بإسناده إلى جابر بن أئوب - بسكون الثاء ، وهو أئوب بن عتبة أن النبي - صَلَّى اللهُ عليه وسلم - قال : " الدَّيْكَ الأَبْيَضُ خَلِيلِي " ، ورواه غيره بلفظ " الدَّيْكَ الأَبْيَضُ صَدِيقِي وَعَدُو الشَّيْطَانِ ، يَحْرُسُ صَاحِبَهُ وَسَبْعَ دَوْرٍ خَلْفَهُ " وكان النبي صَلَّى اللهُ عليه وسلم يَقْتَنِيهِ فِي الْبَيْتِ وَالْمَسْجِدِ .

Лизи датт айи хулхъан гьуншйирин швнуб хал Аллагъу Тааьлайи шейтӀнихъан уьрхюруш жорбежюр фикрар а. Саб риваятдиз дупна - гьадму датт айи хал ва 6-сана, жара риваятдиз - 7 дупна, 9 ва 16 хал. Ва гьацира саб риваятдиз къадар улуплупди гьуншйирин хулар дупна. Гьадму даттлин сес ебхъру вари терефар Аллагъу Тааьлайи сигъруйихъан ва жинарихъан уьрхюру, кӀурира дупна. Му риваятар вари гьякълудар ву. Шейх Мугъибби Табарийи гьапну: «Пайгъамбариз ﷺ лизи датт ади гьабхъну. Гьацира асгъябарира чпихъди рякъюз датт бисури гьахъну, гьудгнин вахт гьабхъиган, хабар тувбан бадали».

Гьядисдиз дупна: «Учву лизи даттлин нянят маалапӀанай, думу йиз дуст ву, хъа узу дидин дуст вуза. Дугъан душман йиз душман ву. Валлагъи, эгер Адамдин веледариз, дидкан фициб мянфяаьт аш, аьгъяйиш, дурари дидин зиквар



ва йикк, гьизил ва арс тувну вушра, гьадабгъидийи. Вари терефарихъанди наана дидин сес гьюруш, жинарин зарарнахъан Аллагъди (ﷻ) уьрхюру». Мугъяммад пайгъамбари му даттлиз мициб заан кьимат тувдайи, эгер дидиз гизаф гьикматар адайиш. Дугъу гьацира гьапну: «Учву хулаъ лизи датт уьбхъйи. Думу хулахъна шейтӀан, ясана сигъру апӀрудар багахъ хьидар. Гьацира гьуншйирин хуларихънара».

Даттлин сес

Даттлин сес гьеебхъган, Аллагъу Тааьлайикан, увуз фу ккундуш, гьадму ккун апӀин. Фицики даттли уьйир апӀуру чаз малаикар гьяркъган, хъа малаикар иштирак духъну, «амин»

гьапи дюаь Аллагъу Тааьлайи къабул апӀуру. Памдикан дупна Пайгъамбарин ﷺ гьядисдизра: «Эгер даттли уьйир апӀури гьеебхъиш, Аллагъу Тааьлайикан Чан рягъматдикан ккун апӀин, фицики диди даттлиз малаик рякъюрайиб улупура. Эгер учвуз даждин сес гьеебхъиш, Аллагъу Тааьлайикан шейтӀнихъан уьрхюб ккун апӀинай, дугъриданна, диди даждиз шейтӀан рякьбакан хабар тувра» («Сагъигъ аль-Бухари», № 3303; «Сагъигъ Муслим», № 2729).

إِذَا سَمِعْتُمْ صَبَاحَ الدَّيْكَ فَاسْأَلُوا اللَّهَ مِنْ فَضْلِهِ ؛ فَإِنَّهَا رَأَتْ مَلَكًا ، وَإِذَا سَمِعْتُمْ نَهْيَ الحِمَارِ فَتَعَوَّذُوا بِاللَّهِ مِنَ الشَّيْطَانِ ؛ فَإِنَّهُ رَأَى شَيْطَانًا
Даттликан улхури, дидин гьамцдар


ужудар терефар кӀваин дапӀна: артухъси Аллагъу Тааьла кӀваин апӀувал, дирбаш'вал, кӀубанвал, уж'вал, улар даахнашра дидин юкӀв даабхну шулдар.

Медицинайин улупбар

Жигъил даттлин йикк варитӀан мянфяаьтлу вуди гьисаб апӀура. Дупнаки, дициб йикк фун ищцрувалин узур кайириз мянфяаьтлу ву, кӀури. Даттлин йикк ипӀуб ужу ву хасиятнан гьагъи ксариз, яшлууйириз ва кьордун вахтна. Эгер марчлин йиккнакан дапӀнайи шурпайик лизи даттлин гьархра (желч) капӀну гьипиш, фагъум артухъ шулу ва склероз уьзрихъанра сагъ шулу.

Аьбдулла Мягъяммадов

Диндин кроссворд №4



По вертикали

1. Думу пайгъамбар жилиина хъанара гъиди.
2. Мугъяррам вазлин 10-пи йигъ.
3. Дин бадали ватан гъибту мусурмнар.
4. Женнетдин дережийрикан сабунуб.
5. Пайгъамбарин ﷺ женнетдин булагъ.
6. Наврузбег-эфенди бабкан гъахьи гъул.
9. Думу пайгъамбариз нахшрарин члал аьгъяди гъабхъну.
13. Гирами Къур'андин 36-пи сура.
14. Гъаму вахтна Сирии, Иордания, Ливан ва Палестина али йишв.
16. 12 веледдин адаш вуйи пайгъамбар.
18. Жабраилиихъ Пайгъамбариз сабпи ражну гъапи гафар.
19. Лавландин гъудгнин вахт.
20. Гъядисдиъ думу гъарам ву дупна.

По горизонтали

2. Пайгъамбар кечмиш гъахьиган, дугъан жандак гъижикъу асгъаб.
3. Накъвдиъ гъисаб-суал гъадабгъру сану малаик.
4. Умар асгъабдиз Пайгъамбари ﷺ гъамци гъамциб ччвур тувну.
7. Мунафикъар тьяин аплуз шлу бажа-

- ранвал аи Пайгъамбарин ﷺ асгъаб.
8. Гъарсаб ляхнин эвелиъ клуруб.
10. Гъиямат йигъан вари уч шлу йишв.
11. Жабраил малаикдиз дабгъуз ккун гъабхьи шагъур, амма Пайгъамбари ﷺ думу яваш гъапну.
12. Дагъустандиъ Пайгъамбарин ﷺ 40

- асгъаб кивнайи накъвар.
15. Аллагъу Тааьлайин ччвурарикан сабунуб.
17. Тус шагъриъ бабкан гъахьи адлу имам.
21. Табасарандин гъул.
22. Хив райондин сабуну гъул.
23. Пайгъамбар ﷺ завариз за хъуб.

Шябандин ваз улубкъна

Пайгъамбари ﷺ гъапну: «Шябандин вазлин имбу вазарихъан вуйи заанвал имбу пайгъамбарин улихъ йиз аи заанвалсиб ву. Хъа Рамазандин вазлин заанвал Аллагъдин (ﷻ) Чав яратмиш гъапндарин улихъ вуйи заанвалсиб ву».

Шябандин вазлиъ аплури вари ужударстар ляхнар-гъяра-катар завариина гъич саб жюрейин читинвал адарди гъахуз шулу ва гъадрарин гъагъ 700 ражну артухъ шулу. Ари гъаддиз Шябандин вазлиъ ушв бисуз шулдарш, гъит гъадму вазлин эвелиъ шубуд йигъан, вазлин гъацкъялаъ шубуд йигъан ва вазлин аххиритъ шубуд йигъан ушвар дисри. Иллагъки Шябандин вазлин 15-пи йигъан ушв бисбан дережа ахъуб ву.

Пайгъамбари ﷺ гъапиганси, Шябандин вазлин ччвур «таша'аба» клуру гафналан арайиз дуфнайиб ву, дидин мяна «тарабгъувал» ву, гъадму вазлиъ уж'вал тарабгъуру. Шябандин вазлиъ варитан ахъю гъюрмат аи йишварикан саб - Бараатдин йишв - дахил шула. Думу 15-дилан 16-диз вуйи йишваз тьялукъ шула.

Аллагъдихъан (ﷻ) гуч'вал дапну, лазим вуйиб клулиз адабгъури ва гунгъарихъан ярхла шули, шли Шябандин ваз адлу гъапниш. Аллагъу Тааьлайи дугъан гунгъарилан хил алдабгъур ва думу сад йисандин мудатнаъ бедбахваларихъан ва узрарихъан урхюр. Шябандин вазли артухъдиси салаватар урхуру: «Аллагъумма салли аьла Мугъяммадин ва аьла али Мугъяммадин ва саллим».

Бараатдин йишв

Шябандин вазлин 15-дилан 16-диз вуйи йишваз Бараатдин йишв клуру. Бараат «аьлакьалу даруб», «бегъемди жара дубхънайиб», клуру мяна аи гаф ву, гъадму йишван ужудар дару ляхнар-гъяракатар аплури инсанар

Женнетдихъан ярхла аплуру, хъа ужудар ляхнар-гъяра-катар гъахру ксар - Жегъеннемдихъан.

Гъядисдиъ дупнайиганси, гъадму йишван, диндиз къаршуди вуйидарин, къаст айидарин, арагъ-чяхир убхърударин, багахълуйрихъди вуйи аьлакьийри дучюргънайидарин, чпин абйир-бабарихъ хъебе-бехърударин, къяппавал аплурудин, такабур ксарин ва футнакарин ктарди, вари имбу инсанарин гунгъар аьфв аплуру.

Ари гъаддиз гъадму йишв Аллагъу Тааьла кьваин аплури, къулгъийр-дюьийр урхури адапнувал ужу ву. Сабуну гъядисдиъ дупнайиганси, дюьийр къабул аплуру хъуб йишв а: Жвуми йишв, Мугъяррамдин 10-пи йишв, Шябандин 15-пи йишв, Къурбан-машкквран ва Ушварин вазлин улихъна вуйи йишвар. Бараатдин йишван шубуб ражну «Ясин» сура урхуру: сабпи ражну уьмур ярхи хъуб метлебан ният ади, къюбпи ражну - баллийр-къазийрихъан урхювал ккун аплури ва шубубпи ражну - ужулар артухъ аплувал ккун аплури. Гъарсаб ражну «Ясин» урхбалан къяляхъ, исихъ улупнайи дюаъ урхуру:

Бараатдин йишван ясиндин къяляхъ урхуру дюаъ

بِسْمِ اللَّهِ الرَّحْمَنِ الرَّحِيمِ . اللَّهُمَّ يَا ذَا الْوَيْدِ وَالْأَمْنِ يَا ذَا الْجَلَالِ وَالْإِكْرَامِ يَا ذَا الطُّوْلِ وَالْإِنْعَامِ لَا إِلَهَ إِلَّا أَنْتَ ظَهَرَ الْأَجِينَ وَجَارَ الْمُسْتَجِرِينَ وَأَمَانَ الْخَائِفِينَ . اللَّهُمَّ إِنْ كُنْتَ كَتَبْتَنِي « كَتَبْتَنَا » عِنْدَكَ فِي أَمِّ الْكِتَابِ شَقِيئًا « أَشَقِيئًا » أَوْ مَحْرُومًا « مَحْرُومِينَ » أَوْ مَطْرُودًا « مَطْرُودِينَ » أَوْ مُقْتَرًا عَلَيَّ « عَلَيْنَا » فِي الرِّزْقِ فَأَمِّحْ . اللَّهُمَّ بِنُصْرَتِكَ شَقَاوَتِي « شَقَاوَتَنَا » وَحِرْمَانِي « حِرْمَانَنَا » وَطَرْدِي « طَرْدَنَا » وَأَقْتَارَ رِزْقِي « رِزْقَنَا » وَأَثْمِنِي « أَثْمِنَا » عِنْدَكَ فِي أَمِّ الْكِتَابِ سَعِيدًا « سَعِيدًا » مَرْزُوقًا « مَرْزُوقِينَ » مُوفَّقًا « مُوفَّقِينَ » لِلْخَيْرَاتِ فَإِنَّكَ قَلْتَ وَقَوْلِكَ الْحَقُّ فِي كِتَابِكَ الْمُتَرَّلِ عَلَى لِسَانِ نَبِيِّكَ الْمُرْسَلِ يَمْحُو اللَّهُ مَا يَشَاءُ

وَيُثَبِّتُ وَعِنْدَهُ أُمُّ الْكِتَابِ . إِلَهِي « إِلَهَنَا » بِالتَّجَلِّي الْأَعْظَمِ فِي لَيْلَةِ النَّصْفِ مِنْ شَعْبَانَ الْمُكْرَمِ الَّتِي يَفْرُقُ فِيهَا كُلَّ أَمْرٍ حَكِيمٍ وَبَيْرَمِ أَنْ تَكْشِفَ عَنِّي « عَنَّا » مِنَ الْبَلَاءِ مَا أَعْلَمُ « نَعْلَمُ » وَمَا لَا أَعْلَمُ « نَعْلَمُ » وَمَا أَنْتَ بِهِ أَعْلَمُ إِنَّكَ أَنْتَ الْأَعَزُّ الْأَكْرَمُ . وَصَلَّى اللَّهُ عَلَيَّ سَيِّدِنَا مُحَمَّدٍ وَآلِهِ وَصَحْبِهِ وَسَلَّمَ

Бисмиллагъи ррягъмани ррягъим. Аллагъумма, я залманни ва ла юмманну аьлайгъи, я заль жалали валь икрами, я зат'главли валь инаьми, ла илагъа илла анта загъра лжаина ва жарал мустажирина ва аманал хаифина.

Аллагъумма ин кунта катаптани (катаптана) индака фи уммил китаби шакъиййан (ашкъияя), ав магъруман (магърумина), ав мат'рудан (мат'рудина), ав мукътаран аьлаййа (аьлайна) фи рризкъи фамгъу Аллагъумма бифазлика шакъавати (шакъаватана) ва гъирмани (гъирманана), ва тларди (тлардана), ва икьтара ризкъи (ризкъина), ваасбитни (ваасбитна) ындака фи уммил китаби саидан (суадаи) марзукъан (марзукъина) муваффакъан (муваффакъина) лилхайрати, фаиннака къулта ва къавлукал гъякъу фи китабикал муназзали аьла лисани набиййикал мурсали ямгъу ллагъу ма яшау, ва юсбиту, ва индагъу уммул китаби. Илагъи (илагъана) биттажаллиял аьзами фи лайлати ннисфи мин шаъбанал мукаррамиллати юфракъу фигъа куллу амрин гъяким, ва юбраму ан такшифа аьнни (аьнна) минал балаи ма аьламу (наьламу), ва ма ла аьламу (наьламу), ва ма анта бигъи аьламу, иннака антал ааззул акрам. Ва салла ллагъу аьла саййиддина Мугъяммадин ва алигъи ва сагъбигъи ва саллам).

«Мусурмнарин машкввар, гирами йигъар ва йишвар» клуру китабдиан

– Инсан диндихъ хъайир вуйивал фицдар лишнаринди мялум шулу?
– Инсан диндихъ хъайир вуйивал улупру 4 лишан а: 1 Агълю

суннайихъди гъягъюб; 2 Ибадат Аллагъ (ﷻ) бадали апуб; 3 Шариатдин фарз ляхнар тамам апуб; 4 Гъарамвалихъан ярхла хъуб («Фатгъуль Аьллам»).

– Датт айи хулазди шейтган гъюрдар кѳру гафар гъякъ-лудар вуйин?

Фицики даттли чаз малаикар гъяркъган уьйир апѳру, хъа малаикар иштирак духъну, «амин» гъапи дюаь Аллагъу Тааьлайи къабул апѳру. Гъамдикан дупна Пайгъамбарин ﷺ гъядисдиъра: «Эгер даттли уьйир апѳруи гъеебхъиш, Аллагъу Тааьлайикан Чан рягъ-матдикан ккун апѳин, фицики диди даттлиз малаик рякъ-юрыйиб улупура. Эгер учвуз даждин сес гъеебхъиш, Аллагъу Тааьлайикан шейтган уьрхюб ккун апѳинай, дугъриданна диди даждиз шейтган рякъбабан хабар тувра» («Сагъигъ аль-Бухари», № 3303; «Сагъигъ Муслим», № 2729).

– Датт уьбхюб, асас вуди лизи датт, сунна ву. Пайгъамбарин ﷺ гъядисдиъ дупна: «Датт – жакъв ву, думу узуз ккуниб вузуз ва Жабраил малаикдизра ккуниб ву. Даттли чан эйсийин хал ва багарихъ хъайи 16 хал шейтганхъан уьбхюру. Яни гъарсаб терефнаан 4 хал шейтганхъан уьбхюру». Пайгъамбарин ﷺ жара гъядисдиъ дупна: «Аллагъу Тааьлайиз шубуб жорейин сес ккунду: даттлин сес, Къур'ан урхурайирин сес ва гъачиндин гъудган хъайиз улихъна Аллагъдикан (ﷻ) чан гунгъарин аьфв апѳуб ккун апѳурайирин сес» («Фатгъуль Аьллам»). Увуз даттлин сес гъеебхъган, Аллагъу Тааьлайикан, увуз фу ккундуш гъадму ккун апѳин.

إِذَا سَمِعْتُمْ صِيَاحَ الدِّيَكَةِ فَاسْأَلُوا اللَّهَ مِنْ فَضْلِهِ؛ فَإِنَّهَا رَأَتْ مَلَكًا، وَإِذَا سَمِعْتُمْ نَهْيَ الْحِمَارِ فَتَعَوَّذُوا بِاللَّهِ مِنَ الشَّيْطَانِ؛ فَإِنَّهُ رَأَى شَيْطَانًا

– Дишагълий-ириз истихар апѳуз хай шулин?

– Истихар – му Аллагъдикан (ﷻ), фу ляхниъ мянфяаьт аш, гъадму ккун апѳувал ву. Думу ляхин апѳуз жила-ризра, дишагълий-иризра ихтияр а. Амма Имам Нававийин гъаму гафариз асас фикир тувну ккунду: «Эгер истихар апѳайиз дюаь апѳурайир Аллагъдин (ﷻ) амриз табигъ хъуз ният адарш ва Аллагъдин (ﷻ) гъюкмин гъякънаан ша-клу шулуш, думу кас Аллагъдихъди (ﷻ) мясляаьт апѳурайир дар, думу чав чахъди мясляаьт апѳурайир ву». Гъази вуйиган, гъадму истихараий улупу гъюкмин ухъу рази духъну ккунду ва гъадди улупурайиганси дапѳура ккунду.

– Диндихъ гъарам дапѳнайиб апѳуб гунагъ вуйиб аьгъяхъуз. Хъа шафѳери чаз улупнайи рякъюн къайдйирихъди машин хътрапѳрувал гъарам гъисаб шулин? Эгер узу думу къанунар тамам апѳурдарш, узуз гунагъ хъибдин?

«Учвуз ичв дюн'яйин ляхнар ужуди аьгъяхъ-вуз».

Гъаму гъядисдиъ кѳураки, ухъу ихъ уьмригъ саб фукѳа апѳруган, гъаму ухъузтган ужуди гъадму ляхникан аьгъюдари тьяйин дапѳнайи къанунарихъди гъягъюб ужу ву. Гъадму ляхнин устадари ухъуз рякъюь фици духъну ккундуш, машин фициб гъаракатниинди хъапѳну ккундуш, улупна. Фуну кас думу къанунарихъди гъягъюрдарш, дугъу органарин улихъси, Аллагъу Тааьлайин улихъра жаваб тувди.

- Жалалутдин Суютѳийи чан «Жамиуль гъядис» китабдиъ Пайгъамбарин ﷺ гъядис кѳваин дапѳна:

أَنتُمْ أَعْلَمُ بِأُمُورِ دُنْيَاكُمْ

ДАГЕСТАНСКИЙ ИСЛАМСКИЙ УНИВЕРСИТЕТ ИМЕНИ ШЕЙХА МУХАММАД-АРИФА

ОБЪЯВЛЯЕТ ПРИЕМ АБИТУРИЕНТОВ НА ОЧЕРЕДНОЙ УЧЕБНЫЙ ГОД



Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

ПРОДОЛЖИТЕЛЬНОСТЬ ОБУЧЕНИЯ:

- ✓ в медресе – 3 года.
- ✓ в университете – 5 лет.

ДОКУМЕНТЫ НЕОБХОДИМЫЕ ДЛЯ ПОСТУПЛЕНИЯ:

- ✓ нотариальная копия аттестата или диплома;
- ✓ копия паспорта – 2 шт.;
- ✓ фотокарточки размером 3x4 в количестве пяти штук;
- ✓ медицинская справка Ф 086;
- ✓ копия прививочного сертификата Ф 156/93-у;
- ✓ рекомендация от преподавателя религиозного обучения либо от руководителя мечети (имама) расположенной по месту жительства абитуриента.

ПРИЁМ ДОКУМЕНТОВ С 1 ИЮНЯ ПО 18 АВГУСТА

г. Махачкала, ул. Дахадаева, 136

Наш адрес:

тел.: 8 (8722) 67 55 08; 8 988 294 56 16

– Мусурман дарудар кечмиш гъахыган, дурарин саламдиз гъягъюз хай шулин?

– Мусурмандиз мусурман дару касдин саламдиз гъягъюз хай шулу, эгер кечмиш духънайир мусурмандин мирас, гъунши вая дуст вуш. Хъа эгер дугъаз думу таниш дарш, хай шуладар («Танвируль къулуб»).

Улихъ нумрайин кроссводдин жавабар

По горизонтали	18 Абубакр	6 Бадр
1 Берекет	20 Сувайба	7 Кавсар
4 Ризкъ	22 Шейтган	9 Гъабагъ
5 Хутѳа	23 Марьям.	12 Гъюдаибия
8 Пайгъамбар		13 Уьсман
10 Сабур	По вертикали	14 Бакъара
11 Магъди	1 Бисми	16 Шис
13 Уьмра	2 Туба	19 Акъса
15 Гъунши	3 Аьрш	21 Витр.
17 Душман	5 Халид	

Гъюрматлу ватанагълийир!

Дагъ. Огни шагърин кѳулин мистаъ диндин суалариз жаваб тувру отдел ачмиш дапѳна. Эгер ичв диндикан суалар, шаклу, гъаври адру, ясана мистахъди алакъалу вуйи суалар аш, зенг апѳинай: +79640007468, ясана +79894476468

Учура, ич терефнаан, учухъна илтѳикѳу гъарсар касдин суалназ диндихъ улупнайиганси жаваб тувуз чалишмиш хъидича, иншаАллагъ

Гъюрматлу мусурман гъардшар ва чйир!

Нагагъ учвуз ихъ мусурман диндихъди аьлакъалу вуйи месэлийрикан гъаври адруб гъерхуз ккундуш, ясана «Ассалам» редакцияйиз вуйи суал аш, зенг апѳинай: 8-960-411-19-53, ясана 51-85-22.

Учхъан шлубдин, иншаАллагъ, учу кюмек апѳидича ва ичв гъулулугъар тамам апѳуз чалишмиш хъидича.

Рузнама

Июль

Йигъ	Гъиринд. Ас-Субгъ.	Ригъ гъудуб.	Лисундин Аз-зугър	Гъаркван. Аль-аьср	Лавлан. Аль-Магъриб	Хъитѳирхъ. Аль-гъишаъ
1	2:53	5:12	12:53	16:56	20:34	22:33
2	2:53	5:12	12:53	16:56	20:34	22:33
4	2:55	5:13	12:53	16:56	20:33	22:31
6	2:58	5:15	12:54	16:57	20:32	22:30
8	3:01	5:16	12:54	16:57	20:31	22:29
10	3:03	5:17	12:54	16:57	20:31	22:27
12	3:06	5:19	12:55	16:57	20:29	22:26
14	3:09	5:21	12:55	16:56	20:28	22:24
16	3:11	5:22	12:55	16:56	20:26	22:22
18	3:14	5:23	12:55	16:56	20:25	22:20
20	3:17	5:25	12:55	16:56	20:23	22:16
22	3:19	5:27	12:55	16:55	20:23	22:14
24	3:23	5:28	12:55	16:55	20:21	22:10
26	3:26	5:30	12:55	16:54	20:19	22:07
28	3:30	5:32	12:55	16:53	20:17	22:03
30	3:34	5:34	12:55	16:53	20:15	22:00